

海

國

圖

志

海國圖志卷四十八

歐羅巴人原撰

大西洋

歐羅巴洲

侯官林則徐譯

邵陽魏源重輯

北土魯機

國源案此卽古時額力西國職方外紀作厄勒祭者也與翁加國合成此國

其南境在阿細亞洲內者曰南土魯機歐羅巴洲各國皆奉天主教其秦回教者惟此一國耳

土魯機種類甚多原居韃靼里中央牙薩底斯之東北

與阿爾特山附近其人偉軀顏面不似蒙古韃靼里人

之瘦小先日非國僅一游牧回教耳至耶穌千年宋真宗咸

平三糾集諸部頭目攻服鄰國由戈臘山而入巴社奪
年得膏腴疆土卽在巴社立國稱王曰塞爾牙國旋渡歐
富臘底斯河攻額力西並攻阿丹所至無敵遂在小阿
細亞又立國曰羅翁國後又有都魯機之頭目攻勝西
里阿等國是時阿細亞洲西邊諸國咸屬於都魯機矣
恃其强悍橫行侵并天道好還於是歐羅巴各國與臘
體訥國同時興兵奪其耶路薩陵伊哥尼吾兩部維時
蒙古可汗亦由韃靼里而攻其後奪取巴社並滅塞爾
牙之王皆在一千二百十三年後宋甯宗嘉定六年_{宋甯宗嘉定六年}金宣宗真祐元年宋甯宗嘉定六年_{宋甯宗嘉定六年}嗣是

國中無數頭目各轄一方而總轄于巴社之蒙古王此元

代征取西域盡建藩封之時也千二百九十九年

元成宗大德三年

有荷多曼

者少爲海盜後爲西底阿頭目威服鄰部自立爲王遂爲荷多曼國其子荷占嗣位旋奪得普魯薩爲國都于

四百五十三年

明景泰四年

麻荷彌王又奪得額力西觀斯

頓丁羅布爾二地又攻擊伊揖麻馬里阿丹諸國并格利彌阿之地無不歸附威震歐羅巴洲後又屢破寒牙

里威引那諸國諸國連兵拒敵喪師而返復攻濱海羅尼士西普魯及額力西各海島阻于石礁不能進于七

百年

康熙三十九年

漸衰于八百年間

嘉慶五年

國王沉湎酒色所

屬之巴札各據一方其先日所取歐羅巴洲內各部落均起兵盡逐土魯機人出境俄羅斯亦出大兵攻擊土魯機屢戰屢敗失去富庶數部落從此不能復振伊揖之巴札原土魯機舊藩此時皆不受其統轄巴札之兵幾滅土魯機卒割西里阿巴里達兩地始講解罷兵政事與歐羅巴各國不同權操自上令出惟行弗惟反國王謂之額蘭西尼阿西尼阿者神影也以爲奉神命而來治國國人懷前王荷多曼之德故後世雖經變亂被

弑仍立其後裔王爲本國回教之主無敢訾議

與西城聞見錄

所述塞克國同其設官有曰額蘭威薩者巡察城內貨物真僞

額設六員由巴渣官選轉有曰加尼阿斯加者校閱官軍曰利依斯分尼者管理內外事務曰特付那依分尼

者總理國庫曰直里彌依分尼者總管水師官軍曰巴

札者管領官兵曰磨爾那者管理回教事務兼掌教讀

書館曰麻富底者掌理律例爲國中尊貴之人王前佩

劍儀制與王畧有少間王見額蘭威薩趨迎三步接見

麻富底趨迎七步制反法令悉由參定作奸犯科向無

斬罪增用椎釘地置死之條未嘗施用如有犯者不過廢棄而已曰玉里麻者專司案牘由麻富底考試呈名以聽王定奪審判案件多有賄屬宮中姬妾數百多出巴札各屬國競獻希恩王無聘娶之禮以至尊無人敵體唯于羣美中擇立正妃一庶妾七餘皆婢媵如正妻廢棄卽遷入舊宮別立一人王如薨逝嗣王卽將前王妻妾統禁宮中有白奄人守外門黑奄人供內役因其醜黑可無防閑也國中貴官燕居深廈常有人侍立其侍立之人皆取機密不世者爲其心腹圖充役者多僕

作樸實以矮小聾啞爲上國庫存貯總數秘莫能知征
稅賦支兵餉每年約計三百九十萬棒兵有兩種一曰
多李那格里兵乃當日荷多曼王精選壯士入伍人給
田三百餘畝遂爲定制二曰加畢居里兵則隨時考校
入伍孟夏孟冬大閱昔日隊伍爲歐羅巴各國之最近
日遠不如舊而騎兵輕捷尚精戰鬥保守礮臺心力甚
堅國中遇有警急招民爲兵未嘗規避惟行陣無紀律
所至虜掠戰則一鼓作氣長驅衝敵衰則如鳥獸散不
知有節制也服飾風俗頗似東方寬衣闊袖與歐羅巴

窄服相反入戶以去屢在外爲禮飲食箕坐以手取食女處深閨與男子不接見不通問內外甚嚴其人似勇實怯似良實狠似捷實惰似莊肅實淫佚似慷慨實吝嗇國中咸遵回教以國王爲教主自誇其教之奧妙爲別教所無嚴酒禁喜施捨樂修館廡以居行旅吸食鴉片信符咒邪術咒所禁者犯則處死文學淺拙奪得額里西時致額力西之文學幾至毀滅嗣有荷占王頗好文學于普魯薩部落大書館文人謂之馬特勒西圖所賜甚厚欲其久處肄業以博玉里麻官職馬特勒西圖

文人有十等，年至四十歲方得上等。然其所學皆章句辨論，不知格物窮理，反嗤他國所造千里鏡、顯微鏡、量天尺、自鳴鐘，謂是小技淫巧。其天文不識歐羅巴之厯算，而信陰陽家之選擇，非吉日不敢行事。其房屋繪畫、音樂等技，皆無巧妙。惟俗尚孝弟，其父母身後遺產，惟子弟得有。之外人無預。婚姻先議，奩贈多寡，嗣議位置，妾媵幾人，庶出如嫡。若不生育，卽結髮之妻，亦許休棄。皆與歐羅巴相反。其土人有三類：額力西人，由斯人三角帽人，而額力西居其過半。由斯人卽不見重，所至受

人欺凌皆以燒麵爲業乃他人所不屑爲之小販三角
帽人伶俐儉樸多在本國貿易不甚外出也額力西人
較靈巧有口辯善交易貨無貳價指天爲誓衣服尙長
以冠別貴賤自官府以至技藝人等冠各有定制飲食
甚儉無非菜蔬橄欖糖菓而已酒是回教所禁而國王
與貴人多好之餘皆不飲各以鴉片代酒食煙者眾每
不及四十歲土產地氈羊皮黃蠟蜜糖鴉片棉花絲繡
洋布銅河道紛歧在羅彌里阿首部落內有河九馬列
沙河自大山發源匯多尼箬河野機尼河阿達河合流

南行出地中海。哇達河匯特沙那河合流出海。如斯特
多馬河。彌士多河。唵治加那斯河。均南注於海。在摩爾
達威阿部落有河四溫都河西列河密士特列河。均自
大山發源。勃律河通奧地里加國。四流匯合同歸擎那
彌河。經麻爾牙里阿而出黑海。在洼臘赤阿有河八斯
載爾河。自歐塞特里阿發源。阿魯達河。自大山發源。與
荷爾特斯河底流門河。阿日士河。單摩威沙河。惹林尼
沙河。磨首河諸水交匯。由那彌河注黑海。在麻爾牙黑
阿部落有河七那彌河通奧地里加阿底莫河。額力甘

正河贊特臘河、珂斯馬河、依斯加河、多斯河、均歸那彌河、與諸水匯流出黑海、在威沙阿部落有河三、依麻河、摩爾牙里奄河、均歸摩臘洼河、匯入那彌河、入地中海、在格羅底阿部落有河四、沙威河、通奧地里加國、與哇麻士河、摩士那河、雷那河、三水匯歸那彌河、出地中海、在阿爾麻尼阿部落有河三、特領河、斯甘彌河、窩卒沙河、獨流出地中海、在額力西部落有河四、馬威荷河、沙林墨里河、阿斯勃羅波達河、希那達河、除馬威荷河之外、水入湖外、餘俱分注地中海。

都魯機國在歐羅巴洲各部落

黑海通連大海東西南界海北界俄羅斯歐塞

特里阿西北管總部落十大部落四十有六小部落二
界意大里

百四十有八大小島三十有四

羅彌里

東界海南界海及額力西西界

阿爾麻尼北界沙威阿摩士尼領大部落八小

部落七十有五

摩爾達威

東南界黑海西界奧地里加南界洼

摩爾達威領大部落

四小部落三十有二

洼臘治

東南界麻爾牙里之那爾河西界沙威阿北界摩爾達威西北界奧地里加

領大部

落三小部落二十有七

麻爾牙里

東界黑海西界沙威南界羅彌里阿北界摩爾達威之那彌河領大部落九

小部落二十有九

沙部阿

東界麻爾牙里西界摩士尼南界羅彌里北界奧地里加

領大部落二小部

落二十有四

摩士尼

東界沙威阿西界格羅底南界哈西俄威那阿爾麻尼北界奧地里加

領大部落二

一小部落十有二

格羅底

東界摩士尼西界意大利南界哈西俄威那北界奧地里加

領大部落二

部落五

哈西俄威那

東界阿爾麻尼西界意大利南界海及意大里亞北界摩士尼格羅底領大

部落一小部落八

阿爾麻尼

東界羅彌里西南界海
北界沙威阿摩士尼

領大部落六小部落

二十有一

額力西

東界海西界阿爾麻尼
南界海北界羅彌里

領大部落十三小部落

十六

千地阿島

在額力西
之南少東

領大部落二小部落五

北土魯機國沿革

原無
今補

職方外紀危勒祭

卽額力西
字譯音之轉

在歐羅巴極南地分四

道經度三十四至四十三緯度四十四至五十五其聲

名天下傳聞凡禮樂法度文字典籍皆爲西土之宗至
今古經尚循其文字所出聖賢及博物窮理者後先接
踵今爲回回擾亂漸不如前其人喜啖水族不嘗肉味
亦嗜美酒東北有羅馬泥亞國其都城周圍三層生齒
極眾城外居民綿亘二百五十里有一聖女殿門開三
百六十以象周天鄰近有高山名阿零薄其山頂終歲
清明絕無風雨古時國王登山燎祀其灰至明年不動
如故有河水一名亞施亞白羊飲之卽變黑一名亞馬
諾黑羊飲之卽變白有二島一爲厄歐白亞海潮一日

七次昔名士亞利斯多徧窮物理惟此潮不得其故遂赴水死其諺云亞利斯多欲得此潮反得亞利斯多一爲哥而府闔六百里出酒與油蜜極美遍島皆橘柚香櫞之屬更無別樹天氣清和野鳥不至其地

又曰翁加里在波羅尼之南物產極豐牛羊可供歐羅巴一州之用有四水甚奇其一從地中噴出卽凝爲石其一冬月常流至夏反合爲冰其一以鐵投之便如泥再鎔又成精銅其一水色沉綠凍則便成綠石永不化矣

案翁加里今升入北都魯機故附諸後

海錄祿

都律切

古國在布路牙呂宋佛朗機之後

案此都魯機國

也祿卽都魯二字之雙聲疆域大而奉回教是其明證云在呂宋佛朗機之後者言方向大槩非必接境在

伊宣各國之北疆域極大本回回種類人民強盛穿大袖衣裹頭服皮服不與諸國相往來西洋人謂之仍跋

喇多者猶華人言大國也唯稱中華及祿古爲然

西洋稱大

國者惟中華及俄羅斯海錄中無俄羅斯者專述海船貿易之國也土魯機兼跨歐羅巴阿細亞二洲之境故

亦云

大國

萬國地里全圖集曰土耳其國一作都魯機其地南接希臘國與羣島之海北連俄羅斯奧地利亞等國東及

黑海馬摩刺海灣羣島海至海外西至亞地亞海隅西北至奧地利亞國北極出地自四十度至四十六度偏東自十三度至三十度廣袤方圓三十萬方里居民八百萬丁北方之高嶺爲土爾其交界其多惱河爲北疆其平地不廣遍處山嶺沿海灣口甚多北由君士但海峽與黑海相連南由他他尼里與希羣島海交流產棉花煙葡萄南菓羊毛羌花等貨其國古時列分其居民族類各殊至於土耳其爲地主者自新疆搬移亞齊亞西方奉回教與蒙古族交戰敗自避山穴招各盜賊

據地其頭目號曰阿多曼廢國主而自立新國時元成宗元貞五年也按此元代回回被蒙古軍驅逐自葱嶺以東竄往葱嶺以西也新疆乃本朝之名元代則名別什巴里此譯者以今名稱古地也其後裔專務攻擊隣國強之入回教於順帝至元年間土耳其王督兵渡海峽至歐羅巴地勝敗不常兩主繼亡巴牙屑王連戰皆勝於是蒙古大王侵國巴牙屑王戰敗被虜騎行漸滅其子孫如祖復勇猛爭戰於明朝景泰三年攻取希臘之都迄今爲土耳其之國都也連五十年得龍望蜀攻擊四方伏戶遍野自嘉靖年以後王耽逸樂臣下弄權值我羅

斯國勃興之際，肇衅相攻。義羅斯百攻百勝，土耳其水陸戰敗，倘非列西國勸阻之土耳，其國則已傾覆。然佛蘭西國恒救其危道，光元年希臘畔之，土耳其力戰終不能勝，希臘遂自創立新國矣。六年後土耳，其再與義羅斯死戰，不勝，納銀千萬員，又割交界各地以講和。道光二十年，英國助土耳幾王強服敘利地，但其國基已廢傾倒，在旦夕。其妻妾奴共計六百口，擇一位爲其寵妃，初生子者爲王后。殿內白黑閻官中多黠慧，便嬖用事，兵共十萬，全國分二十八部，各部總領每弄權，腋下

民、及其有罪資業被籍入官以充國帑每年各稅餉銀
千萬員、欠頂銀四千萬員步兵九十四萬丁騎兵一十
二萬四千丁大戰艦八隻師船二十四隻今述土爾其
名部如左

路默利部在東南方居民大半土爾其人好逸惡勞惟
勇攻戰節食禁酒終日吸鴉片飲珈琲衣服甚美以帽
包頭幘纏以吸煙之故有縮面瘦形貌猥衰堅執回教
藐視他人尊貴者隨意娶妻妾其國都君士但城在馬
灣邊乃羅馬君士但汗于東晉年間所建海港廣便

各國商船所集，內有王宮，其廣如城。其回回大殿，卽昔耶穌門生之堂。山水美景環之。亞得安城，周圍十五里，內有古殿。加利城，在羅馬海灣，居民萬七千丁，經商貿易。路北不牙部居民奉希臘教門，風俗話音與峩羅斯相近。其民安業勤勞，會城居民五萬，由陸路通商順刺城池堅固，擊退峩羅斯軍，在此山隘，多築河濱築城設堡防備。路西北布尼城地多山嶺，出鐵其中二分奉希臘教門，怨恨土官，往往起亂。息味部向西北，居民奉希臘教，不服回回管轄，並力攻拒。國王強操政令。

省會別甲邑城池堅固屢被敵伐守禦不陷○亞刺萬
部在海邊地方崎嶇居民射獵好鬪天下精兵也會城
曰葉翰尼那昔其總領逆國主連年守禦居民三萬五
千丁士民猛毅剛直○黑坐義小部遍路巉巖民居山
谷顛陋勇猛○瓦拉基地長一千零八十里闊四百五
十里居民九十七萬丁地平坦河濱沉茫田宜麥野多
雜畜土民崇拜救主耶穌惟官吏橫征私派民皆忍受
其都布加力居民八萬丁○東北末大味地廣袤方圓
五萬一千方百里居民五千萬丁西方多山嶺產五穀南

菓葡萄煙蜜蠟硝鹽馬牛豕每年售馬萬計恒時被虐
主壓服亦蒙峩羅斯護卹以避土王之勒索其都城曰
牙西在羣島中據于地亞洲周圍千五百里地海濱豐
畝其橄欖菓成好油居民好自專制土耳其二十三年
強擊而不能服之大半崇希臘教門其島山水最美居
民萬五千丁島之海口漸以沙淤阻船進口

地球圖說土耳其東界黑海南界地中海并希臘國
西界亞得利亞海并阿士氏拉國北界舉地里加及峩
羅斯國百姓約七百萬之數都城曰君士旦丁內民六

十萬述耶蘇教天主教回教希臘教其民首不戴帽以帕圍之身穿長袍席地坐飲食不用匙箸以手搏之尚信守約土膏衍沃栽種不勞故其民怠惰好戰獵吸雅片國王獨攬政權臣下無言責民風男尊女賤一男可娶數女有大江名拖奴俾中有高山曰喜麥產絲花烟葉架非葡萄南果羊毛羌花雅片蜜蠟硝鹽鐵馬牛羊豕橄欖油

地里備考曰土耳其國分三州一在歐羅巴州一在亞細亞州一在亞非里加州地土廣闊烟戶繁滋

土耳其亞國在歐羅巴州之南者北極出地三十六度二十分起至四十八度二十分止經線自東十三度起至二十七度三十分止東至厄羅斯國暨黑海西連奧斯的里國南枕地中海暨額力西國北接厄羅斯奧斯的里二國長約二千五百里寬約二千里地面積方二十五萬里烟戶九兆口地勢南方則山嶺巖崿崖絡繹不絕北方則平原坦闊湖河紛歧河至長者九湖至大者十田土最肥穀果極豐南方所產草卉移植本國靡弗適宜林木稠密藥草備具爲歐羅巴州各國之最產

銅鐵錫銻礦紋石等物地氣溫和惟汗穢猶犯人多
疾病在昔汗位歷代相傳于今分爲四國或汗或王稱
謂各異教奉科馬爾回教別教需損資方不禁止技藝
平庸除都會外匠肆不多所造僅敷所需貿易興隆惟
官長掣肘庶民荒棄是以國內生理皆外客經營本國
昔屬羅馬國迨羅馬國西遷後夷狄侵擾元成宗年間
有非里日亞酋長侵奪額力西國之布魯薩地僭稱爲
王號曰科多馬諾國傳至其子開闢疆土越六十一載
其孫默拉德者嗣位攻陷安多黎諾伯勒城而建都焉

其子又拒退佛蘭西亞里曼二國來侵之師，厥後蒙古人侵犯亞細亞州各地，本國之君巴耶西德者前赴救之，爲蒙古王達美爾蘭所擒獲，傳至摩拉多者，占據英吉利國屬地甚多，破翁給里亞國之兵，迨其子馬何美德王攻克的諾伯拉城，遷都其地。此後歷代嗣君與歐羅巴各國交兵，康熙二十二年，本國始衰，師多敗北，乾隆五十四年，傳至塞黎慕王，喪地于厄羅斯國，復失厄日度于佛蘭西國，三年後，始再克復，嘉慶十二年，國人變亂，兩次廢立，又立馬科美德王，即現在之君也。通國

昔分七部今改四國一土耳其又名科多馬諾一塞爾維一襪拉幾一摩爾達維其塞爾維等三國皆自立爲國不歸土耳其統轄但每歲納貢于其國以存舊屬之謐

其一科多馬諾國東枕黑海西南至地中海暨奧斯的里國地面積方約十五萬三千里烟戶七兆口君位世襲國分四大部一曰羅美里首郡曰伯拉乃本國都也建于官士丹的諾伯拉峽在黑海與馬爾馬拉海之間從外而觀則樓臺疊起景色美麗自內視之屋宇樸素

街衢曲隘然學醫各院書庫浴室靡弗備具市廛林立
商賈雲集惟路塗汙穢瘟疫流行一名波斯尼亞一名
西里斯的黎亞一名曰薩壹爾

其二塞爾維亞國東至穆拉幾亞國西連科多馬諾國
南接羅美里部北界奧斯的里國長約七百里寬約三
百五十里地面積方二萬二千五百里烟戶三億八萬
口侯爵世襲通國分爲十七府建都于日索穆達奴比
約兩河交匯之處

其三波拉幾國東南二方皆在達奴比約河西連塞爾

維翁給里二國北接摩爾達維國暨奧斯的里國長約一千里寬約五百五十里地面積方三萬一千二百二十里烟戶七億九萬口候爵世襲通國分爲十八部建都于冬波維宜的薩河岸

其四摩爾達維國東至厄羅斯國西連奧斯的里國南接達奴比約河暨襪拉幾國北界厄羅斯奧斯的里二國長約七百五十里寬約四百里地面積方二萬一千四百五十里烟戶四億五萬口候爵世襲通國分十三部建都于高岸之上其通商衝繁之地或瀕海邊或在

腹內

外國史略曰歐羅巴各國惟土耳其國最廣居民聰明
聚集如雲羅馬人降其地數百年後其舊君之裔復立
國焉○唐時中國西界有土耳其族望西迤邐初與西
域民戰自唐順宗後漸進回教據印度西方猶太之地
南宋以後歐羅巴各國以其占聖墓地合軍攻退之後
蒙古游牧又攻之走匿山內元武宗至大年間有夷目
曰阿士曼招各山賊恢復全地再立土耳其族於亞悉
亞之西所虜之人悉斷其勢皮爲回以入陣死亡于

萬更招他族少壯者爲兵。明初在歐羅巴希臘地立國。聞北地構亂，欲侵取各國，盡絕耶穌教。立回教於明建文帝六年，連敗歐羅巴各國之軍，所虜者幾萬人。後益務侵歐羅巴地。於明英宗正統四年再戰，數載，歐羅巴人敗績。自後土耳其勢日浩大。於嘉靖二十九年，摩含默號第二王卽位，欲稱雄蓋世。甫立，即募水陸軍攻據希臘之都，越五十年。土耳其攻伐四方，據其地又伐意大利國。嘉靖七年，圍東國之都，曰耳曼。各君皆畏其勢，其地中海水師任意駛駕，惟登陸攻城，每不克而退。

二百五十年內閱十三君皆知好武廣地但國無法度
後始設教師布律法以治其民其君惟聽命于臣妾歿
後繼子盡殺其兄弟各部兵帥濫索居民遂屢叛君屢
被廢越三百年歐羅巴各國日強而土爾基國尙與東
國結釁戰爭不息於康熙二十一年東國合力屢戰大
勝盡復前所失地於時峩羅斯乘勢攻土耳其取其地
凡在黑海邊之國皆一一歸峩羅斯同天主教門之國
俱叛之土耳其軍又駛渡攻麥西國與英人交戰道光
元年所屬希臘民亦叛焉於是英吉利佛蘭西峩羅斯

三國皆集師以攻土耳其國盡殄其水師餘眾遂奔希臘希臘人助以兵卒復創立其國其軍伍訓練悉遵西洋法度君頗聰明勤政外國皆稱頌焉

土耳其本列國也居民各異在歐羅巴廣袤方圓九千五百二十里居民千五百五十萬在亞西亞三萬四千七百五十里居民千二百五十萬在亞非利加方圓三萬八千四百三十里居民五百五十萬○在歐羅巴之地有三所名爲土耳其之屬其實服事義國一摩道廣袤方圓八百零三里居民四十五萬居東國義羅斯之

間南連土耳其北極出自四十五至四十八度三十分
多憚河並他匿得等河皆經流此地多牧場所畜蕃盛
亦出蜜蠟其居民未向化風俗不醇皆因希臘以崇天
主教雖務農鮮製造有螞蚱屢茹其田五爵恣其勒索
故民最貧乏務通商其君受土耳其之敕命然卽位必
先由峩國議准方能管其地是以峩國之勢益大○一
瓦拉基在摩道之南其西南兩邊與土耳其交界西北
與東國相連北極出自四十三度四十分至四十五度
三十分廣袤方圓千二百九十七里居民九十五萬多

惱河亦通此地、豐五穀、居民怠惰、無所經營、多缺乏、其君俯聽我國之命。悉比焉部北極出四十二度及十四度五十分、廣袤方圓五百六十里、居民九十萬、北至東國、土耳其國、三方環山、多礦、但民不知掘、產五穀多葡萄、其居民善養牲畜、無五爵、惟有農夫匠教師三品各任貿易、不服外國、於明英宗天順年、悉比邑與回回戰敗、越四百年、民苦酷政、故生異心於嘉慶五年、眾民嘯起、攻擊酷主、因與國人盟、今所立之君甚聰明、招鄉紳會集議論、各國稱頌歲貢于土耳其、募兵萬二千

以防禦。多惱河南邊多建固城其中最要者係百牙拉卽土耳其軍所守者。外有新立之國曰峩拉或黑山廣袤方圓六十五里居民十萬七千在阿得利亞海邊土耳其終不能強服居民自選頭目恣爲海盜亦販賣牲畜崇希臘之天主教布尼焉部分上下在東國南及亞得利亞海隅廣袤方圓千零六十三里居民八十五萬崇希臘天主教者三分之二餘爲回回多山林出南果葡萄牲畜造刀劍最精都會曰撒拉約居民六萬所寓悉茅舍。布牙里係廣地東及黑海北連瓦拉基

廣袤方圓千七百四十里、居民百八十萬、東方平坦出牛羊五穀、葡萄鐵鋼蜜糖、居民所崇之教與前不異、其都曰所非亞、北方有堅城、四面環之。亞巴尼部在亞得利亞海邊、廣袤方圓七百里、居民三十萬、語言各異、崇希臘之教、屢次叛逆、海邊多支港、海賊所叢入。土耳其最要之部曰路米里、廣袤方圓四千四百里、居民六百八十萬、多山磐腴田、君士旦、居民六十五萬、本古城也、山水若仙界、昔所立天主禮拜堂甚宏麗、今爲回回會處、其城在七山下、有海峽、其街狹宮殿大而不美。

海港極廣多風無巨浪亞得利亞邑居民十萬牙利邑
在海峽居民八萬撒羅尼居民七萬大半崇回教惟希
臘人能勤土耳其人則惰。羣島之最大者曰干地亞
廣袤方圓八十八里居民二十七萬周朝時極旺相居
民百二十萬久服希臘國後意大里威尼得據之此康
熙四年也山水甚美山峯高七百二十丈地豐盛居民
萬二千畏土耳其之酷不敢墾作其城與島同名居民
萬二千道光年間土耳其虜掠百姓戮者不勝數其他
島雖小各出橄欖油葡萄等物多水師爲海賊所懼古

時此島各自爲國、土耳其過其勢歸回教中亦多商在各港貿易、希臘之族尤狡猾善騙。

土耳其君操全權、昔有嗣君畏兄弟分權盡殺之、其政悉按回回法立輔政大臣四員又立教師以辦法律及教門各事、其大臣統攝文武三軍兼理國事、各部設頭目經理百姓、每自恃富強擅權與國主戰故多作亂、俄羅斯及他國爭來攻之、幸歐羅巴各國爲之防禦得免、民分三品一曰回回族最尊貴二曰徭事是崇希臘等教之門人亦同納賦三曰奴婢卽由外國所販賣及本

地所養者其國之兵三十七萬歲入國帑銀二千五百萬圓有大戰艦火輪船水手多係希臘人

瀛環志略曰土耳其三方古大秦東境

即意大利亞之羅馬爲西

域自古著名地東方勿闢最早巴底倫建國於前西里

亞代與於後猶太

一作如大又作如氏亞又作如德亞又作儒德亞

即唐書所

謂拂菻國以色列之族由此興焉其國自夏商歷漢季

傳世最久令辟賢王後先輝映西土爲希臘開基之地

君士但王則羅馬東都比於雒邑秦西遠隔神州禮樂車書之化無由漸被而在彼土言之則此數千里者固

商周之耿毫幽岐聲名文物之所萃也。土耳其本回部
賤族，竄身買諾，遺種繁滋，遭時衰亂，揭竿而起，恃其兵力，蠶食東西，遂使名城墮毀，典業散亡，文獻無徵，風流
歇絕。三方之民，就俎醢之地，而困羶汗之俗者，數百年
於茲，觀秦西人所著書，西土之困於苛政也，尤甚勝廣
之徒，時時攘臂而彼昏不知，猶晏然爲羊車之游，亡可
翹足而待矣。

秦西諸國跨亞細亞歐羅巴兩土者，惟俄羅斯與土耳其，
其土耳基疆域之大，不及俄羅斯，而擅膏腴之壤，據形便

之地百年來無止戈之日七椿園訛爲控噶爾又以千
餘年前一統之羅馬移之土耳其又稱峩羅斯本其屬
國控噶爾用東西迭駕之法峩羅斯大困增貢乞和乃
免此出烏巴錫詛咒之言而聞見錄信之誤矣兩國黑
海亘隔風馬牛本不相及自峩羅斯開高加索部詳峩
羅斯
圖而與土之東壤接又開波蘭諸部而與土之西境毗
連其初構兵在乾隆中年維時峩羅斯勃焉方興戰攻
甚銳土耳其衰機甫兆兵力猶強勝敗之數大略相當
後則南風不競割講頻仍近年內証四起危如累卵然

究未爲義所兼并者，則由英佛護持而排解之也。歐羅巴人最惡回教，土耳其之昏虐，又諸國所鄙夷。英佛於土非有所愛，特以義羅斯北地荒寒，不長水戰，故僅能比肩英佛，未足定霸一方。若土耳其爲所并，則地兼三海。波羅的海、地中海、黑海於歐羅巴已扼吭而拊其背，諸國其能晏然已乎。

海國圖志卷之四十九

邵陽魏源重輯

希臘國即古時稱力西國職方外紀作厄勒祭者也昔爲都魯機所據今仍自爲一國原本無今補

萬國地里全圖集曰希臘國者土耳其鄰國也東南西三方至羣島海北接土耳其爲半土北極山地三十六至四十二度長一千二百里闊三百里廣袤十萬一千方里居民百九十二萬年運出一千有二百萬貫產絲花南菓羊毛乾葡萄菓橄欖油五穀烟天氣和暖嶺

險峽遠古時希臘民藝術超眾博學通達工師營築廟殿及今尚傳古蹟其匠刻象如活人其畫工畫山水林泉摹寫傳神周敬王十九年白西國王率軍兵立寨數里旗鼓遍野師船滿海水陸並攻當時希臘之民効死力戰擊退敵兵以後國人益豪志吞鄰國有馬其屯王傾國往攻皆爲白西王所敗侵至印度國王病歿帥臣分其國地各自爲王緣此希臘文字語音廣布各地故希臘人教化天下不論至何處皆有其文藝其詩書列西國人無及之者也東漢年間羅馬王強服四方亦攻

胎希臘列國歸入版圖國人失其壯志自後乃變其職
法以蠻類攻擊羅馬西地及東西羅馬相分之際其東
帝恒駐於邊希臘始仍自爲國不受意大利節制救世
主降世五十年後希臘民奉其教棄絕神佛惟拜獨一
真主閱三百年執正教此後加特力教異端迷世希臘
見誘惑陷如是救世主道理漸衰存其名而離其實既
而回回始興志吞希臘國希臘連年拒敵再奪再失其
嗣王復多喪德雖列西國合軍攻擊回回以據猶太國
亦不能守地而退及土耳其興時其回回如虎面翼

復力侵希臘國強取其地明景泰三年土耳其國來攻
重城長塹希臘民若釜中魚國民四散三百七十年受
侵不已民不能堪於道光二年憤起畔土爾其列西國
憫其雄氣各出精兵助之土耳其不得已退軍封希臘
使自主近日偃武息爭矣庶民好華冠服倣土耳其族
女梳其髮爲巧髻身蓋薄徹綿帕男女悅歌喜樂沿海
港口甚多土民好航海貿易商賈巧而無信國都曰鴉
典宮殿古蹟燭萬世建宇之格式古時眾士聚其城中
辯道論理耶穌之門生保羅至其邑傳道其神廟皆傾

倒尙存古蹟而已其所轄之部一曰那破里海口通商
居民萬五千丁得波勒撒城堅固土爾其兵攻破之多
所殺戮希臘民報其仇再獲城後虐殺土爾其之人以
暴易暴焉一曰巴答城乃其海口街道蕪穢墨所龍義
城被希臘族人固守之帖撒羅尼加城居民六萬丁種
鯨及煙勤勞度生尙有羣島中歸其國版者希達嶼雖
礲勤農經商故其居民四萬飲食無乏所有八摩海島
於東漢和帝永元七年耶穌門弟約翰流於此島上帝
以天啟傳之

又曰希臘國沿海所有海灣在東方曰君得撒曰羅尼
加其南方曰尼鄂木多洲曰益義那曰那破里其西方
曰爾加地曰勒頌多深入其地爲微地不成半土稱曰
摩力亞其山中多游牧野夷希臘西邊又有倚阿尼等
島居民共計十九萬丁所出橄欖油乾葡萄酒蜜南菓
其島皆有土酋掌島政令與英國始戰終和通商多日
地里備考曰希臘國一名厄肋西亞國卽額力西在歐
羅巴州之南南界地中海東西枕海港北連土耳其國
長約七百五十里寬約五百里地面積方約二萬零八

百三十里烟戶七億口本國地勢嶄巖參差絡繹不絕
湖河眾多皆非甚巨島嶼灣峽迴環羅列田土腴腴穀
菜豐登五金各礦昔具今乏地氣溫和王位歷代相傳
奉額力西天主教餘教亦不禁止技藝不甚精

一曰惹尼亞海島在歐羅巴州南其國土在北極出地
三十六度起至四十度止經線自東十九度三十分起
至二十三度十分止在額力西國西南方除諸小島外
其至大者惟七煙戶一億七萬六千戶山勢峻峭石阜
間開田土磽瘠穀果敷用地氣溫和不設君位民間自

立官長理事五載更易技藝庸常貿易甚盛本國昔屬
白西里國管屬嘉慶三年爲佛蘭西國君那波良者克
服迨與各國戰敗後各國公使齊集維耶納地方會議
將本國另行建立以英吉利國永爲覆庇英國派官輔
理凡有國務與英國派官互相酌議通國以七巨島分
爲七部一名哥爾佛乃本國都也一巴說迴環六十里
三達卯拉地面積方約一百五十里一宜達架長六
十里寬二十五里一塞發羅尼長一百五十里寬約五
六十里迴環五百五十里一三德長五十里寬三十里

地面積方一百八十里一塞黎各迴環一百八十里其國通商衝繁之地三處皆在海邊

地球圖說希臘國東南西三面都界地中海上北界土耳其其百姓約七十五萬之數都城曰雅典城內民二萬所述之教昔與耶穌教相似至今則大不同其都城昔亦美大後爲土耳其入境毀城易俗今城尙修築未完政事與羣臣議敘不自專人性好航海貿易故其水手眼靈手敏然奢華悅歌唱女善梳髻而性端淑身蓋薄徹絲帕產葡萄酒橄欖油五穀薺葉縣花南果羊

毛再西有七島總名以阿尼現歸英國保護

外國史略曰希臘國一名額力西其文字原由東方來商太丁二年結羣相鬪圍古城陷之其國詩人能述其事後各族類各立國相仇周夷王十六年士巴他國立新例並教以武藝故其民善騎走以勇怯爲貴賤後至周頃王十二年在亞典國興立法律傳及後世此後立志通商獨士巴他國用鐵錢以物交易不喜文學時西國雄長海峽所有小亞悉亞等國皆納貢物希臘人不服西國遂攻之希臘人因擊退白西人自此國勢大興

立水師官文學顯著萬民尊敬維時白西國王於周貞定王十八年在海峽建橋以侵希臘國亞典人皆離其本地登船以避敵又與土巴他等族在關隘峽死戰破白西之軍走其國王希臘人於是自爲其主實賴亞典人之力而亞典人又擅權增餉困民驅其王而自立新王曰巴巴他親統大權與列西國屢世攻擊漢景帝十年爲羅馬軍所降服自後歸羅馬國者五百餘年東晉哀帝時羅馬國封爲東國所駐之都曰君士旦丁邑卽土耳其所居處令改希臘拜偶像之俗迨宋齊間有

北方匈奴歲來侵掠屢和屢戰唐時有回回亞拉國侵
占東方卽土爾基也希臘國君死戰不能擊退驅希臘
之君而自卽位明孝宗十五年全地歸土耳其獨有數
島爲意大利威尼斯國所據於明萬曆元年列島亦歸
土耳其希臘求援於同教門之峩羅斯乾隆間峩軍逼
迫土耳其破其戰艦道光六年英人與峩羅斯佛蘭西
等國水師焚其戰艦擇日耳曼之君以爲希臘王又皆
出財以佐其國帑又責土耳其勿再擾其界道光十三
年希臘人遂爲國如初

英吉利藩屬地之以雲羣島在希臘之西共有七島最廣大者曰可賦島西法羅尼散地耳廣袤方圓四千七百里居民十七萬五千口雖不出五穀尙能產絲花橄欖油鹽魚南果等物民之貧者皆離本地出外圖生昔此地有小國後歸羅馬嘉慶二年佛蘭西奪占此島英人驅之於嘉慶十七年招該島之鄉紳會議國政且調兵士四千守之其居民有志能學且勤工匠

外國史略曰希臘國微地耳北與土耳其國連東西北三方及羣島之海廣袤方圓八百六十八里居民九十

三萬三千口其屬多小島遍地分二十四部在摩利亞
微地田地居十分之五山林川湖樹菜等圃各居十分
之一農夫約十萬所產五穀不足民用必運自外國別
出顏料葡萄橄欖油蠶絲細果海邊人善捕魚民喜通
商道光二十一年出入貨共值四千三百七十五萬二
千二百圓其商船三千一百九十七隻水手萬八千六
百名內多爲海賊海港甚多可避風島民頗向化如敘
刺島安多島米哥尼島希得拉島破羅島文墨狡猾其
都曰亞典居民二萬五千無大屋宇古多文藝在摩利

亞微地之會城曰得破勒撒，居民二萬五千，在海隅最
大之邑。曰那波利，山水甚美，可巡遊，多題詠焉。其王孫
日耳曼人，常召各郡貴人，助理其地，有七大臣，攝內外
國務。國之欠項三千五百員，每年所入國帑約四百萬
員，軍士共萬二千，水師之舟三十四隻。其貴人各相爭
鬪。

按額力西國沿革，別詳歐羅巴州總敘。其希臘僅守
其都城一區之地，故不以其全事載於此國。猶意大
里沿革，亦歸於歐羅巴總敘，不以入今列國中，反致

全州沿革無綱領也

瀛環志略曰秦西故事云上古之時歐羅巴草昧未闢

人獸雜處有虞氏之初小亞細亞兩河之間已見前有初

立國者曰巴庇倫一作巴必鶯又作巴必羅尼亞詳士耳其說夏后氏之初

阿非利加之北境有初立國者曰厄日多即麥西詳阿非利加說

後有諾威氏之裔曰日彌建國於亞細亞之買諾即土里海峽耳其

中其國人漸有渡海峽而西者即他大尼始知有額力

西廣土夏后少康二十六歲買諾人有伯辣斯日者始

立國於額力西之北境曰西西恩逾九十餘歲有厄日

多人遷於額力西名其地曰的丹立國未成眾思故土
散歸夏后孔甲二十一歲迦南人議納孤一作桔木抵額力

西之南境始鳩集人民教以營宮室種穀麥昏濛漸啟

商王外壬十二祀厄日多之灑的斯人灑哥落率其邑

人遷於雅典立國曰亞德納斯一作亞地拿始興技業立法

制辨倫類造文字新力西諸國聞風效慕荒陋之俗一

變商王沃甲十三初亞德納斯王昂非的安嗣位是時

希臘分十二國時有詬爭昂非的安恐諸國之自相攻

則心力不齊無以拒大敵乃馳使十一國結爲同盟立

公會於德爾摩比勒每國遣使二人歲二會申約結齊
好惡講求利弊又各出蓄積貯於德爾佛斯堂以備軍
儲每國以二人司之由是四鄰輯睦十二國如一國外
侮不生晏然康阜祖舟行地中海懋遷有無勢益富強
當是時十二國中惟亞德納斯與斯巴爾達一作士最
大詣小國制度皆效兩國所爲亞德納斯王德修以商
王廩辛六祀嗣位時國人分三等曰爵紳曰百工曰農
民爵紳多專恣剝民工農貧乏國寢弱德修王慮之乃
汰官司裁署舍抑損豪貴躬攬大權惠民招商遠方歸

之如市技業日精、蓋藏日富、遂爲西國大都會。子哥德
落斯嗣守成法、益加惠於工農、由是爵紳無權而庶民
之勢重。哥德落斯卒、庶民私議曰：「賢主不可再得、傳之
貪殘民且重困、乃揚言曰：『能以入必得爾爲君者、當聽
命、入必德爾西國所。』平宗祖之神也、從此不立國王、以
長官一人治事、曰阿爾干、以哥德落斯子孫爲之繼序。
如王而權體稍殺、越一百三十餘年、周平王十六年、國人又
以爲不便、定議阿爾干二年而更尋廢阿爾干、立九宮
以治事、九官由眾推選、以三年爲秩滿、賢則留、否則更

然事權紛錯奸宄日多有達拉固者以才學稱屢公舉修刑書其性嚴刻罪無大小皆予殊死時人號爲血盡行之數十年國人側足周靈王年間公舉梭倫重定法制刪其苛刻酌情罪歸平允國人大悅復建議事廳一法制司一以資財之多寡分齊民爲四等每等百人有興革則集議於議事廳法制司設品官定員數選才德出眾者領之發號令定刑賞皆由法制司區畫精詳輿論翕然方亞德納斯之廢王而立官也德巴斯首效之諸小國亦紛效之德巴斯者舊本非尼西亞人詳阿非利

亞圖
說

其王加達慕斯於商王武丁年間立國於額力西者也迨梭倫重定法制諸國又效之斯巴爾達自勤利斯開國傳四百餘年至周成王十一年有幽里寺德那斯伯羅刻黎斯者兄弟也同卽王位自是國有二王同朝治事其制傳八百餘年不改西土傳爲異事至末造之噶黎厄美尼始改爲一王周夷王年間其國有賢主曰利古爾厄重定法制與梭倫之法大略相同而兵制尤爲盡善俗儉嗇人壯武嘗伐米西奈國滅之得其膏腴之土國勢益強是時東方之波斯國方強再滅巴

庇倫勢張甚顧額力西諸國以外夷賤之不加齒禮會波斯有大將本額力西人波斯王厚遇之擢其姪高班其姪叛附亞德納斯亞德納斯有罪人義比亞斯奔波斯復挑搆之周敬王二十九年波斯王以舟師伐亞德納斯乞和不許於是額力西諸國合縱禦之波斯破其大嶼燔其城亞德納斯大將率眾破波斯於馬拉多拉奪其七船波斯王達黎約慙憤死子澤耳士立一作捨爾時斯誓雪仇恥以三萬人伐額力西造長橋於他大尼里海峽長二千丈以渡軍斯巴爾達扼險拒之波斯軍敗走

壞其船四百艘亞德納斯以計誘其餘船入內港圍而
殲之澤耳士王大怒傾國三十萬眾攻亞德納斯亞德
納斯棄城保於別嶼波斯毀其城諸國咸來助戰爭先
陷陣波斯軍大潰狼狽東走澤耳士王乘漁舟遁先是
額力西諸國自昂非的安聯盟之後同心協力屢破大
敵至是爭取波斯遺財頗有違言亞德納斯城扼海口
操形勝且聚商舶擅利權斯巴爾達素忌之既爲波斯
所毀亞德納斯人欲建復而斯巴爾達阻撓之由此兩
國交惡盟約解散諸小國各有所附日敵爭端亞德納

斯之西有大洲曰西基利即西治里屬於加爾達額有亞基庇亞底者生長此洲任俠好施素得眾心見亞德納斯衰亂因募兵攻之破其水軍斯巴爾達與亞德納斯有夙嫌乘亂以大兵圍其都城毀之亞德納斯遂爲亞基庇亞底所據由是額力西諸國互相攻日益衰亂已而馬基頓興一作馬斯多尼亞馬基頓亦十二國之一在額力西北方初甚微弱周顯王年間有王曰非黎卑雄武有權略與額力西諸國交兵累戰皆克使客游說之皆納款爲屬國王欲伐波斯會中刺客死于亞勒散得勒山德

黎嗣位二十三英略過人周顯王三十有五年以三

萬五千人伐波斯取小亞細亞

即賈諾敘里猶太諸內

波斯望風

奔潰其王棄營走虜其妃后因移兵巡行海上攻破加

爾達額之城都屠八千人並征服麥西

即厄

日名墮其沿海

各城所向披靡游其至五印度皆納款列東藩波斯王

悉起境內兵決死戰王擊破之圍其蘇撒都城會邇疾

旋師至巴庇倫卒於軍諸將各引所部據新辟之土自

王從此額力西族散布西土至漢初尚餘四國曰厄多

里亞曰亞加壓曰白阿西亞仍以馬基頓爲長馬基頓

王非黎卑性強暴凌侮屬國三國患之時羅馬征伐四方兵力方張三國密求援羅馬命將以大兵入其希臘都城因兵脅三國降三國悔失計求助於西里亞一作敘里西里亞者兼小亞細亞諸部卽土耳其東中兩土爲東方大國時阿非利加之加爾達額國新敗于羅馬亦赴西里亞求援西里亞計四國亡勢且及已率輕兵救希臘羅馬迎擊之西里亞王大敗遁歸羅馬兵踵至圍其都城西里亞降希臘四國聞之皆納土降地歸羅馬時漢惠帝五年也額力西諸國建於夏商至漢初乃亡

凡歷一千數百年古分十二國乃今西土耳其全境新
希臘則雅典一部古亞德納斯之南境也其亞典都城
最講文學爲泰西之冠凡西國文士未游學於額力西
則以爲未登大雅之堂也

希臘新分十部首部曰雅典一作亞的架都城在海灣曰亞
德納斯自昔爲聲名文物之地今則市井寥落景象蕭
條。亞爾哥黎大一作拿破里城在海口曰腦比里亞通商
之大埠頭也。亞加亞城在海口曰巴達辣斯一作巴答亦
通商埠頭街一作街商旅惡之。美塞尼亞一作摩首
所龍義

邑曰亞爾加的亞希之堅城土人屢攻之不能下○亞

爾加的亞首邑曰的黎波里薩

一作德破勒撒

亦希堅城昔爲

土耳其攻破屠三千人希人收復之後盡戮土人之居
守者○拉哥尼亞海中大嶼也首邑曰迷斯達拉

一作希達

居民六萬土磽瘠而農作甚勤兼務工商故恒足以自

給○亞加爾拿尼亞

一作爾加地

首邑曰瓦拉說黎在西界

海灣○羅哥黎大首邑曰薩羅大

一作座撒羅尼加

居民六萬

勤苦力作產縣花烟○憂卑亞西界一洲首邑曰哥羅

奔多

一作尼鄂奔多

○昔加拉大首邑曰黑爾靡波利斯

一作摩力

亞中有山嶺放流徒於此以此著名。海澋甚多。東方曰君得撒曰撒羅尼加。南方曰益義拿。曰拿破里。曰可倫。西方曰爾加地。曰勒頌多。希臘之西有羣島。曰各府。曰散他。曰藐刺。曰地亞其。曰客花羅尼。曰息利峩。曰散地。總名曰以阿尼島。居民共計十九萬產。橄欖油。葡萄乾。酒。蜜。南果。島各有渠。掌政令屬於英吉利。